



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus XVII. De Sabbato ante Dominicam Passionis.

urn:nbn:de:hbz:466:1-39937

TITULUS XVI.

De Dominica IV. in Quadragesima, & Ferijs infra Hebdom. IV. Quadragesimæ occurrentibus.

DOMINICA IV. in Quadragesima (quæ ab Introitu Missæ dicitur *Letare*) est pariter *Dominica Major*, seu *privilegiata* 2. *Classis*, ac proinde & ipsa tam quoad *Officium*, quàm quoad *Missam* eodem proportionaliter *Ritu* ac *Modo* celebratur, quò II. & III. in Quadragesima, de quibus Titulis 2. proximè præcedentibus. Illud tamen habet peculiare, quòd, cum *Letitiam* indicet isthæc Dominica, Diaconus & Subdiaconus in Missa solemnè utantur Dalmaticis & Tunicellis Violacei Coloris, ac pulsentur Organa (sed ad Missam solennem tantum) uti

in Dominica 3. Adventus, quæ ob similem causam dicitur *Dominica Gaudere*, ut ibi : Altare quoque paratur festiviùs, quàm in alijs Dominicis : possunt enim adhiberi flores, & Imagines, aut Reliquiæ, non verò in alijs Dominicis. *Baudry P. 4. c. 5. n. 4.*

FER. III. infra Hebd. IV. Quadr. Respons. 1. & 2. propr. 3. ut in II. Noct. Dom. præced. Fer. III. (in qua post Kyrie eleison Oremus, stectamus genua, ac duplex Lectio) uti & Sabbatò ex III. Noct. Dominicæ præced. FER. V. ex I. Noct. ejusd. Dominicæ. FER. VI. ex II. Noct. illius. Reliqua, ut in loco.

TITULUS XVII.

De Sabbato ante Dominicam

Passionis.

SABBATO huic (dicto *Sitientes*, eò quòd *Introitus* hodiernæ Missæ incipiat ab hoc Verbo) ex Decr. *Gelasij I. Dist. 75.* concessa est *Ordinatio Presbyterorum*, ac *SS. Ord. Collatio*. *Ante primas Vesperas Dominicæ de Pas-*

sione, etiamsi sint de Sancto, teguntur ex Cæremon. Episc. L. 2. c. 20. Sabbatò isthòc Cruces & Imagines Salvatoris per Ecclesiam Velis Violacei Coloris, in quibus non appareat ulla figura, seu Imago, ne quidem Insignia Passionis ; nullaque ponentur

ponendæ sunt super Altare Imagines Sanctorum : & Cruces quidem ita velatæ manent usque ad Feriam VI. in Parasceve (nisi quod Feria V. in Cœna Domini Crux Altaris, in quo celebratur, regi debeat Velò Albò in *Missâ*, & ad *Mandatum*, non item Crux Processionalis; hæc enim, & cæteræ omnes, tunc etiamnum Velò Violacei Coloris debent esse textæ, exceptâ illâ, quæ prostat in Altari illius Sacelli, ad quod Feriâ illâ V. deportatur SS. Sacramentum, ut ibi asserveretur ultimo triduo Hebdomadæ Sanctæ) in Parasceve verò Crux, quæ est super Altare majus, velatur, ut infra, velò nigri Coloris, usque dum Crux adoranda ab Officiatore fuerit detecta; tunc autem non tantum ipsa, sed Cruces quoque aliæ omnes sunt deregendæ, non item Imagines Altarium; hæc enim omnes textæ manent usque ad finem Litaniarum Sabbati Sancti. Ità Gavantus, addens alicubi : significari hoc Ritu (regendi Imagines Salvatoris, & Icones Altarium, à Tempore Dominicæ Passionis) jam Christum non in palam ambulasse apud Judæos hoc Tempore, imò ab eis se abscondisse (ut in *Evang.* crastinæ Dominicæ dicitur) nec non majorem illam, quæ hujus Temporis Officijs Ecclesiasticis, ac Mysterijs convenit, Tristitiam.

Si hodie factum est Officium

de Festo Duplici, Vesperæ hodiernæ integræ erunt de illo, cum Commemoratione *Dominicæ crastinæ de Passione*, ut in Proprio de Tempore, nec non *Festi Simplicis*, si quod cras occurrat; nec omitteretur hodie *Gloria Patri* in Responsorio brevi ad Completorium. Si verò factum est de *Festo* duntaxat *Semiduplici*, tunc Vesperæ usque ad Capitulum erunt quidem de illo, at verò à Capitulo de *Dominicâ Passionis*, dicendo omnia, uti notantur Sabbatho ante Dominicam Passionis in Proprio de Tempore, cum Commemoratione *Festi* hodierni *Semiduplicis*, atque etiam *Festi* crastini *Simplicis*, si quod cras occurrat; omissis tamen Commemorationibus Communibus, ac suffragijs Sanctorum, utpote quæ ab hoc Sabbatho usque ad Fer. II. post Octavam Pentecostes non ampliùs sunt, uti nec Commemoratio de Cruce (nisi in Officijs quibusdam Temporis Paschalis, ut ibi) omisso quoque *Gloria Patri* in Responsorio brevi ad Completorium : licet enim id dicatur non tantum in *Festi Duplicis* cum *Dominicâ Passionis*, aut *Palmarum* concursu (utpote cujus Completorium, perinde ac Vesperæ, est festivum) sed etiam in casu, quò in Vesperis secundis *Dominicæ de Passione* fit tantum Commemoratio de Festo *Semiduplici* sequente (quia

K 2

illam

illam Commemorationem jam est inchoatum, inchoato autem Festo per Commemorationem Semiduplicis, ea, quæ sequuntur, *festiva* censentur ea ratione, quâ pridie alicujus Sabbati, quò fiet de S. Maria in Sabbato, Hymnus Completorii etiam jam tunc terminatur per verba: *Jesu tibi fit Gloria, qui natus es, &c.* quando de S. Maria in Sabbato facta est in Vesperis illius diei tantum aliqua Commemoratio) non tamen Teste Gavanto Tom. 2. sect. 6. c. 12. n. 8. dicendum id est in Responsorio brevi Completorii tunc, quando in primis Vesperis Dominicæ Passionis, aut Palmarum facta est Commemoratio *Festi Semiduplicis*, talem Dominicam *precedentis*; quia Completorium, sequens primas Vesperas Dominicæ Passionis, aut Palmarum, in hoc posteriore Casu, seu concursu plus habet de ratione *Dominicæ* jam inchoatæ in Vesperis, quàm de ratione *Festi Semiduplicis* jam finiti: consequenter debet omitti *Gloria Patri* in dicto Responsorio, ut ratiocinatur loc. cit. Gavantus, assignans rationem disparitatis non tantum inter hunc, & præcedentem casum, sed etiam cum alio simili. *Col. Violac.*

Si denique Sabbato ante Dominicam Passionis non fuit factum de Feste aliquo 9. *Lectio*num, sed de ipsa Feste currente, tunc hodieque

Vesperæ usque ad Capitulum dicentur uti in Sabbato per annum, sumendo Psalmos unâ cum suis Antiphonis de Psalterio; à Capitulo verò fiet de *Dominicæ Passionis*, dicendo Capitulum, Hymnum (*Vexilla Regis*) Versum, ac Antiphonam ad *Magnificat*, nec non Orationem, uti notantur in Proprio de Tempore, cum Commemoratione Festi Simplicis tantum, si quod cras occurrat: nam, ut antè dictum, ab hoc Sabbato usque ad Fer. II. post Octav. Pentecostes, cessant Commemorationes consuetæ de Cruce, de S. Maria, & aliæ in Psalterio positæ, esto dicatur quædam *alia Specialis*, in *Ferijs*, & *Semiduplicibus* Tempore Paschali post Dominicam in Albis extra Octavas occurrentibus. *Col. Violac.*

Ad COMPLETORIUM in Responsorio brevi in *Officio de Tempore* non dicitur *Gloria Patri*, sed solum repetitur Responsorium: quod idem etiam servatur in Responsorijs brevib. aliarum Horarum in *Officio de Tempore Passionis*, uti & in cæteris Responsorijs illius Temporis, nec non ad ultimam Invictorii Repetitionem in eodem *Officio de Tempore*: idque ex Decreto Concilij Toletan. 4. Can. 15. ubi ait: *Gloria Patri* in fine Responsorium in lætis sequitur, in tristoribus verò repetitur Principium: quod idem sit, ut *compaginemur humilitati Christi,*

Christi, omittendo *Excelsa* nostra eo Tempore, quò ipsa *Trinitas* dehonestatur in *Persona* Christi, ut loquitur *Alcuinus*. In *Psalmis* tamen nondum taceretur *Gloria Patri*; quia *Psalmi*, ut notat *Guil. Durandus* L. 6. Rat. c. 60. significant *Opera*, at nondum *Judæi* operibus, sed *linguis* tantum de *Necesse* Christi agunt: in triduo verò *Major*: *Hebdomadæ* removeretur id etiam à *Psalmis*; quia ipso opere compleverunt *Necem* Christi.

TITULUS XVIII.

De Dominica Passionis, seu quinta in Quadragesima, & Ferijs infra Hebdomadem Passionis Occurrentibus.

DOMINICA DE PASSIONE inde sortita est Nomen, quòd, cum sub *Vesperum* Sabbati, eam præcedentis, coactum fuerit à *Judæorum* Principibus Concilium adversus *JESUM*, ut eum morti traderent (ut verosimiliter L. 5. c. 1. probat *Rupertus*) *CHRISTI PASSIO* ab hoc Tempore clarius representari, & major etiam ea propter tristitia in Officijs Ecclesiasticis demonstrari incipiat: unde & *Cantores* ex præscripto *Cæremonialis* *Episc.* L. 2. c. 20. ab hac *Dominica* *V. Quadragesime* usque ad *Pascha*, exceptà *Feriâ V. in Cæna Domini*, non utantur *cantu figurato*.

K 3

Dixi autem: In *Officio* de Tempore; nam quando Tempore Passionis *Officium* sit de *Sancto*, non omittitur *Gloria Patri* ad *Responsorium* breve. Quid autem sit observandum ex sensu *Gavanti*, si in *Sabbatum* præcedens *Dominicam* Passionis, aut *Palmarum*, incidat *Festum Semiduplex*; item, si *Festum Semiduplex* sequatur *Dominicam* Passionis, dictum est paulò ante.

sed *Gregoriano*: Id quod saltem diebus, in quibus sit *Officium* de Tempore, observatur. Est autem *DOMINICA* Passionis *Dominica Major* *I. Classis*, id est *privilegiata* contra quodcunque *Festum* 9. *Lectio*num in ea occurrens: In *Ecclesijs* tamen, ubi hodie est *Titulus Ecclesiæ*, vel *concursum* populi ad celebrandum *Festum*, quod transferri debet (v. g. *S. Josephi*, aut *Annuntiationis B. V. M.*) possunt juxta *Rubr. Gener. VI. Missal.* hanc *Dominicam* cantari *duæ* *Missæ*, una de die, Altera de *Festo* post *Horam* utriusque congruentem, de qua *Rubr. Gen. XV. Missal. n. 2.* & *Gav. Tom. 1. P. 1. Tit. 6. & 17.*

Dicit